

Hellum, doe bist mien dörpke.

*Hellum, doe bist mien dörpke,
Het dörpke woar 'k zoveul van hól.
Hellum, doe bist mien dörpke,
Het dörp tussen Sibboern en Schewól
Hellum doe bist mien dörpke,
n Dörpke as doe is d'r gain ain.
Een parel in de haile Woldstreek,
Aibels mooi, elk dij d'r deur komt kin dat zain.*

De kerk stait in t midden van t dörpke.
De schoul stait er achter in schaar.
Hoezen dij binnen der omhin baauwd,
Boerderijen wat meer oet mekoar.
Het dörpshoes ook dij mag d'r wezen,
Wie hebben het mit mekoar baauwd,
Moaken d'r nou aalmoal gebruik van,
Het hét ons din ook nooit beraauwd.

*Hellum, doe bist mien dörpke,
Het dörpke woar 'k zoveul van hól.
Hellum, doe bist mien dörpke,
Het dörp tussen Sibboern en Schewól
Hellum, doe bist mien dörpke,
n Dörpke as doe is d'r gain ain.
Een parel in de haile Woldstreek,
Aibels mooi, elk dij d'r deur komt kin dat zain.*

Deur t dörp lopt van t Schild noar het Veen tou,
n Knoal "De Hoansvoart" is zien noam.
t Geft ons in zummer speктоakel
En s winters din scheuveln wie doar.
Het Sportveld ligt aan de verkeersweg,
Ook dij is veur ons van belang
Soamhöreghaid en haard waarken,
Doarmit brengen wie hail wat tot stand.

*Hellum, doe bist mien dörpke,
Het dörpke woar 'k zoveul van hól.
Hellum, doe bist mien dörpke,
Het dörp tussen Sibboern en Schewól
Hellum, doe bist mien dörpke,
n Dörpke as doe is d'r gain ain.
Een parel in de haile Woldstreek,
Aibels mooi, elk dij d'r deur komt kin dat zain.*